

藥物研究錄

藥性歌訣卷一

新安方錦文庶咸氏著

侄教農肇元氏校刊

綿黃芪 氣平甘味性溫柔 生用瘡癰膿自流 炙補中元兼益衛 汗能透發

亦能收

甘草 生瀉心火味甘平 三焦溫補炙能成 濕家脹滿當須忌 百藥之中

毒解清

人參 味生甘苦熟甘溫 補肺安神品自尊 止渴除煩通血脈 陰陽調養

命能存

沙參 甘苦微寒體最輕 養肝清肺火邪平 風寒作嗽須宜避 脾胃偏嫌

淡味成

丹參 氣平而降入心包 破血生新味苦交 墜死安生胎必用 調經通絡

瘀能消

玄參 色黑鹹寒味苦微 平肝壯水有依歸 咽喉虛痛誠能治 明目除蒸

利便稀

白朮 生宜燥濕炒安脾 甘苦溫和野更奇 止瀉除痰真妙劑 安胎當與

子芩宜

蒼朮 甘溫辛烈濕堪除 水腫都消理胃虛 止瀉升陽能避惡 寬膨解鬱

自安舒

萎蕤 不寒不熱有奇功 悅色和顏信可通 目痛背傷誠易治 風邪溫熱

用相同

黃精 潤肺填精味甘平 坤方最得土之精 安神益氣兼和胃 蒸晒還須

九轉成

狗脊

溫能養氣苦能堅

利濕強關折痛痊

益血味甘形似狗

去毛切片

酒蒸煎

石斛

入脾甘淡且除煩

滋腎強陰味且鹹

平胃補虛安五臟

舒筋益弱

脚和腰

遠志

治悸除忘味苦辛

性溫通腎補精神

安心強志兼療洩

解鬱生肌

最可珍

石菖蒲

辛苦而溫散是香

開關利竅腫消瘍

逐風去濕除痰積

耳目聰明

語更揚

牛膝

生除惡血苦酸平

治下甘溫酒炒成

壯骨強筋諸痛息

腰傷足痿

步能行

甘菊花 味宜甘苦性平和 四氣之中秋氣多 制火熄風頭目爽 久餐傷胃

信非訛

五味子 鹹寒斂肺卽生津 其性爲溫可澀精 退熱除煩寧久嗽 實邪有火

勿沾唇

麥門冬 甘寒微苦最清心 生脈除煩利肺金 行水自然寧噎咳 功能瀉熱

更强陰

天麥冬 大寒微苦肺金清 益水之源降火成 止渴消痰虛熱退 臨時吐血

用分明

欬冬花 甘溫其性本純陽 肺痿喉痺用最良 無論虛寒與實熱 消痰定喘

不能忘

紫苑 消痰潤肺且調中 苦降辛溫下氣通 破結開痺療咳逆 驚風咯血

全覆花 苦辛下氣水堪行 鹹軟堅兮痰轉清 入肺溫通血與脈 頭風能治

目能明

百部 甘苦微溫善殺蟲 傳尸疳積治相同 入肺不嫌微有毒 虛勞熱咳

奏奇功

桔梗 味苦辛平色屬金 清頭利咽且開心 目昏鼻塞疏肌表 引藥升高

定不沉

薺 解毒惟甘利肺寒 和中止嗽自安閒 癰疽疔腫皆能治 消渴除痰

更不難

馬兜鈴 四開象肺體輕虛 寒性能清裡熱除 降氣苦辛偏定喘 頓教咳嗽

自安舒

白前 辛苦微寒降氣長 下痰止嗽肺安康 喉間喘促真能續 虛壅胸前

不可嘗

白芨

味苦而辛令應秋

性真能澀亦能收

生肌補肺療虛損

面上疥皰

逐不留

半夏

體滑而溫性燥哉

須知有毒服傷胎

化痰滲濕嘔能止

逐水寬中

鬱自開

南星

味苦辛溫性燥長

攻風勝濕是其常

喉痺舌強諸驚癇

胆製當求

九次良

川貝母

瀉心散肺鬱如神

味苦微寒川產真

虛勞吐咯癭瘤治

乳閉癰瘡

可問津

瓜蒌仁

清咽甘寒更利腸

胸中鬱熱蕩皆良

當知治乳能消腫

去子崙清

上膈長

天花粉

微苦微寒酸又甘

癰瘡消腫可肩擔

寬胸解毒兼通乳

潤燥生津

善滑痰

夏枯草

氣稟純陽散結瘰

微寒辛苦熱能清

目珠夜痛都能治

火鬱肝經

解自明

海藻

消癭散結且除痰

鹹軟堅兮潤下參

泄熱惟寒行水道

頗教濕腫

可全芟

海帶

柔弱而長可化風

除痰散結有殊功

要知頸項除核力

下水消腫

海藻同

昆布

功同海藻性偏雄

葉大方知似晚菰

性味鹹寒質又滑

癭瘤噎膈

可相通

獨活

辛苦微溫氣緩求

伏風不動善能搜

頭旋齒痛都能治

癰疽奔豚

腎未留

羌活 氣雄味薄入膀胱 又入肝經入腎鄉 辛苦性溫眞善走 遊風理去

是奇方

防風 升浮居上散風邪 溫性辛甘味不堅 經絡濕留疏與表 搜肝瀉肺

自安然

藁本 風寒頭痛腦相連 督脈曾知此藥仙 雄壯定能行下去 辛溫化濕

不虛傳

葛根 性平升發又輕揚 味本辛甘不是涼 退熱解肌兼止渴 陽明積熱

可兼嘗

升麻 肺與大腸胃與脾 甘辛微苦四經宜 升陽達表除風鬱 丹疹瘡痍

可透肌

白芷 善治陽明頭目昏 芳香通竅本相聞 祛風止痛眉棱骨 其味辛溫

氣是芬

細辛 脊強咳嗽竟相宜 風熱辛溫散未遲 齒痛喉痺肝胆病 眼中流淚

總能醫

柴胡 氣升味薄本爲陽 平苦微溫瘧疾良 能治傷寒與諸熱 胎前產後

不能忘

前胡 辛能暢肺解風痰 苦泄肝經熱不難 邪入膀胱寒勝去 甘宜脾胃

悅相安

麻黃 肺閉辛溫透白開 寒邪不怕舌如灰 當思營衛風和熱 消滌咸宜

亦快哉

荊芥 清頭利血入肝經 辛苦而溫氣是馨 其性升浮能發汗 咽喉腫痛

得安寧

連翹 三焦胆與手厥陰 微苦升浮又入心 更有大腸諸熱聚 消癰利水

壳如金

紫蘇 疏風定喘是寬中 和氣安胎理肺同 色紫味辛香散鬱 消痰利膈

子多功

薄荷 辛能發散涼能清 搜肝抑肺氣和平 痧癰癰疹皆能發 解毒疏風

腫不成

雞蘇 形如蘇葉且微長 齒密皮皺氣烈香 辛味稍溫兼利肺 風傷頭目

服之良

木賊草 甘苦微溫中是空 麻黃其性竟相同 輕揚治目能除翳 解鬱和肝

胆去風

浮萍 善達皮膚入肺陰 輕揚生在水中心 一切濕風辛散去 客邪瘡毒

不能深

蒼耳子 足膝能行腦頂通 性溫甘苦在其中 皮膚善達祛風熱 目暗頭昏

力可攻

天麻 性溫辛味治諸風 益氣強陰力不窮 疏痰驚癇偏能定 眼黑頭旋

一掃空

秦艽 攣急能通筋且舒 虛勞風熱骨蒸除 膽肝辛散風和氣 苦燥腸脾

濕不儲

豨薟草 生是寒兮熟是溫 膝腰骨痛氣如昏 苦辛燥濕麻痺治 益腎搜肝

命亦存

威靈仙 氣溫屬木味鹹辛 十二經中善走勻 便秘疸黃浮腫治 痲癰積聚

破如神

藥性歌訣卷二

新安方錦文庶咸氏撰

鈎藤鈎

小兒昏厥與驚啼

熱引肝風神識迷

味苦微溫平自息

時邪斑疹

發能齊

茵芋

赤莖有毒灸無妨

葉厚如榴短不長

辛苦除風溫去濕

痺兼拘攣

痛堪嘗

當歸

味苦辛甘溫且微

散風和血得依歸

虛勞寒熱皆能治

心腹頭腰

痛漸希

芎藭

升浮頭目助清陽

辛苦微溫解鬱良

血海能通諸痛止

調經活絡

可煎嘗

白芍

固肺安脾可瀉肝

苦酸其味性微寒

補勞退熱中和緩

火亢陰虛

斂不難

生地黃

大寒甘苦血能涼

瀉腎清心生地黃

久服使人傷胃氣

目紅吐血

此爲良

乾地黃

甘寒而苦地黃乾

蒸熟微溫是補丹

壯骨強筋精力健

調瘡耳目

信非難

何首烏

苦澁甘溫走各殊

調和氣血定烏鬚

添精補髓強筋骨

力痿神疲

信也無

牡丹皮

味本甘辛散血宜

微寒其性伏邪醫

五勞七癰通經脉

去瘀除蒸

不可離

川續斷

苦溫補腎止遺精

辛瀉肝經血脈行

痔漏腸風諸痛理

腰酸筋弱

藥物研究錄

醫社同人撰

裘吉生輯刊

藥有根莖花實陰陽母子兄弟草石骨肉有單行者有相須者有相畏者有相惡者有相得者試略舉之

張汝偉

先主連營七百里破於陸遜兵固在精而不在多關公困守於孤城見欺呂蒙將固需兵而不可少故善將將者莫如漢高善將兵者首推韓信此中性質不同所以取效各殊論方用藥亦猶是耳一方之立須認定君臣佐使蓋君明則臣良而佐使乃得指揮之益君暗則臣暴而佐使亦縱專橫之形未見此病之向安又見彼病之繼起也故有熱因寒用者如用附子而監以鼈甲用肉桂而監以白芍是也有寒因熱用者如用黃連而制以吳萸用石膏而制以薄荷是也此皆相須相使之妙用也獨

聖散之一味甘草獨參湯之一味人參此皆有單刀出入子龍奪阿斗汾陽入回紇之力量此單行法之神妙也三拗湯之不去節尖甘遂甘草湯之相反相承皆能取效如響應猶廉藺之頗頸始怨而終好適其病之所宜也故相畏相惡之利用亦不可不知麻黃湯之必用杏仁敗毒散之必用防風相得則益彰也葵花向日竈土經火藥之陽也用以溫中鳳尾草生於牆角井底泥深入至陰藥之陰也用以清火參有太子珠兒之別附有烏頭天雄之稱此氣味雖同力量較異卽母子兄弟難同面目也麻黃身發汗而根止汗防風身疎風而根熄風白頭翁一莖直上有風不動無風獨搖則用其莖當歸身養血而尾通血此用根用莖之宜別也玫瑰花袋袋花取其芳香鮮蓮子紅棗肉用其補中此花取輕宣實主滋補之例也用草藥務取新鮮而葡萄桑葉又貴經霜用石藥務取沉降而味薄難出又必多煎豬骨髓鹿角膠用骨以補骨豬膚湯霞天麴用肉以補肉此草石骨肉之用各有不同也故醫者苟理